



紀第七

周書百七

令狐

德棻

等撰

宣帝



宣皇帝諱贇字乾伯高祖長子也母曰李太
 后武成元年生於同州保定元年五月景午封
 魚目國公建德元年四月癸巳高祖親告廟冠於
 阼階立為皇太子詔皇太子巡撫西土文宣皇
 后崩高祖諒闇詔太子摠朝政五旬而罷高祖
 每巡幸四方太子常幼監國五年二月又詔皇

太子巡西土因討吐谷渾宣政元年六月丁酉
高祖崩戊戌皇太子即皇帝位尊皇后為皇
太后癸丑歲星熒惑太白合於東井甲子誅上
柱國齊王憲封開府千智為齊國公閏月乙亥
詔山東流民新復墾者及突厥侵掠家口破亡
不能存濟者並給復一年立妃楊氏為皇后辛
巳以上柱國趙王招為太師陳王純為太傅柱國
代王達滕王道盧國公尉遲運薛國公長孫覽
並為上柱國進封柱國平陽郡公王誼為揚國

公是月幽州人盧昌期墟物范陽反詔柱國東平
公宇文神舉率眾討平之秋七月辛丑月犯心前
星乙巳祠太廟景午祠圓丘戊申祠方丘庚戌以
宗伯岐國公斛斯徵為宗伯景辰熒惑太白
合於七星己未太白犯軒轅大星壬戌以柱國
南兗州摠管隨公楊旼為上柱國大司馬癸亥
尊所生李氏為帝太后八月景寅夕月於西
郊長安萬年二縣民居在京城者給復三年壬
申行幸同州遣大使巡祭諸州詔制九條宣下

州郡一曰決獄科罪皆準律文二曰母族絕服
外者聽婚三曰以杖決罰悉令依法四曰郡縣
當境賊盜不擒獲者並仰錄奏五曰孝子順
孫義夫節婦表其門閭六曰堪任用者即宜申薦
六曰或昔經驅使名位未建或沉淪蓬革文武
可施宜並採訪具以名奏七曰偽齊七品以上
已勅收用八品以下爰及六汎外若欲入仕皆聽
預選降二等授官八曰州郡舉高才博學者為
秀才郡舉經明行脩者為孝廉上州上郡歲一

人下州下郡三歲一人九曰年七十以上依式
授官鰥寡困乏不能自存者並加稟恤以大司
徒杞國公亮為安州摠管上柱國薛國公長孫
覽為大司徒柱國楊國公主誼為大司空庚辰
太白入太微景戌以柱國永昌公椿為大司寇
九月丁酉熒惑入太微以柱國宇文盛張掖公
玉傑抱罕公辛威鄭國公暉孝寬並為上柱國
庚戌封皇弟元為荆王詔諸應拜者皆以三拜
成禮汾州稽胡帥劉受邏千舉兵反詔上柱國

越王盛為行軍元帥率眾討平之庚申熒惑犯左執法冬十月癸酉至自同州以大司空楊國公王誼為襄州摠管戊子百濟遣使獻方物十一月己亥講武於道會苑帝親擐甲胄是月突厥寇邊圍酒泉殺掠吏民十二月甲子以柱國畢王賢為大司空癸未熒惑入互仍留經一月己丑以上柱國河陽摠管滕王道為行軍元帥率眾伐陳免京師見徒並令從軍

大象元年春正月癸巳受朝於露門帝服通天

冠絳紗袍群臣皆服漢魏衣冠大赦改元大成初置四輔官以上柱國大冢宰越王盛為大前疑相州摠管蜀國公尉遲迥為大右弼申國公李穆為大左輔大司馬隨國公楊堅為大後丞癸卯封皇子衍為魯王甲辰東巡狩景午日有背以柱國常山公于翼為大司徒辛亥以柱國許國公宇文善為大宗伯癸丑日又背戊午行幸洛陽立魯王衍為皇太子二月癸亥詔曰河洛之地世稱朝市上則於天陰陽所會下紀於

地職貢路均聖人以萬物阜安乃建王國時經
五代世歷千祀規摹弘遠邑居壯麗自魏氏失
馭城闕為墟君子有戀舊之風小人深懷土之
思我太祖受命艷鎬胥宇嶠函蕩定四方有懷
光宅高祖神功聖略混一區宇往巡東夏省方
觀俗布政此宮遂移氣序朕以眇身祗承寶祚
庶幾聿脩之志敢忘燕翼之心一昨駐蹕金墉備
嘗遊覽見百王制度基趾尚存今若因修為功易
立宜命邦事修復舊都奢公以取文質之間功役

臣子來之義北瞻河內咫尺非遙前謂經營今

宜傳罷於是發山東諸州兵增一月功為四十五

日役起洛陽宮常役四萬人以迄于晏駕而并移

相州六州於洛陽東京六府殺柱國徐州總

管梁國公主車馬等物討諸軍以趙王招女為千金

公主嫁於突厥及辰以上柱國公孫三子并寬

為徐州總管行幸鄴景宗

吏及行兵者悉有節餘志能之

大寶曆是惟意器命天表命人畫
函顯同謀

確予不易之中之六實懸心
蓋不避於內事我大周感蒼昊
錫武功文德光格區宇創世
以寡薄祗承鴻緒上賴先朝得
后不貳之心職責與雪兩俱通
憲章共光華並
圓首方足咸登仁壽思隆國本用弘天曆皇
天子衍地居上嗣正統所歸遠憑積德之休允
叶無疆之祚帝王之量未肅而成天祿之期不
謀已至朕今傳位於衍乃騰四海深合謳歌之

望俾予一人高蹈風塵之衣萬方兆庶知朕意
焉可大赦天下改大成元在為大象元年帝於
是自稱天元皇帝所居稱天臺冕二十有四旒
車服旗鼓皆以二十四為節內史御正皆置上
大夫皇帝衍稱正陽宮冕其納言御正諸衛等官
皆准天臺尊皇太后為天元皇太后封內史上
大夫鄭譯為沛國公癸未日初出及將入時其
中並有烏色大如雞卵如四日滅戊子以上柱
國大前疑越王盛為太保大右弼蜀公尉遲迥

為大前疑代王達為大石弼辛卯詔徙鄴城石
經於洛陽又詔曰洛陽舊都今既修復凡是元
遷之戶並聽還洛州此外諸民欲往者亦任其
意河陽幽相豫亳青貝徐七摠管受東京六府
處分三月壬寅以上柱國薛國公長孫覽為涇
州摠管庚申至自東巡大陳軍伍帝親探甲冑
入自青門皇帝衍備法駕從入百官迎於青門
外其時驟雨儀衛共容辛酉封趙王招第二子
貫為永康縣王夏四月壬戌朔有司奏言日蝕

不視事過時不食臨軒立妃朱氏為天元帝
后癸亥以柱國畢王賢為上柱國己巳祠太廟
壬午大醮於正武殿戊子太白歲星辰星合於
東井五月辛亥以洛州襄國郡為趙國以齊州
濟南郡為陳國以豐州武當安富二郡為越國
以潞州上黨郡為代國以荊州新野郡為滕國
邑各一萬戶今趙王招陳王純越王盛代王達
滕王道並之國癸丑有流星大如斗出太微落
落如遺火是月遣使簡視京兆及諸州士民之

女充選後宮突厥寇并州六月丁卯有流星大如雞子出氏西北流長一丈入月中己巳月犯房北頭第二星乙酉有流星大如斗出營室流入東壁是月咸陽有池水變為血發山東諸州民修長城秋七月庚寅以大司空畢王賢為雍州牧大後丞隨國公楊堅為大前疑柱國滎陽公司馬消難為大後丞吉辰熒惑掩房北頭一星景申納大後丞司馬消難女為正陽宮皇后尊天元帝太后李氏為天皇太后壬子改天元

元帝后朱氏為天皇皇后立妃元氏為天右皇后妃陳氏為天左皇后八月庚申行幸同州壬申還宮甲戌以天左皇后父大將軍陳山提天右皇后父開府元晟並為上柱國山提封鄗國公晟封翼國公開府楊雄為邗國公乙弗寔戴國公初高祖作刑書要制用法嚴重及帝即位以海內初平恐物情未附乃除之至是大醮於正武殿告天而行焉辛巳熒惑犯南斗第五星壬午以上柱國雍州牧畢王賢為太師上柱國鄒

國公韓建業爲大左輔是月所在有蟻羣鬪
各方四五尺死者什八九九月己酉太白入南斗
乙卯以酈王貞爲大冢宰上柱國鄖國公韋孝
寬爲行軍元帥率行軍摠管杞國公亮邠國公
梁士彥以伐陳遣御正杜杲禮部薛舒使於陳
冬十月壬戌歲星犯軒轅大星是日帝幸道會
苑大醮以高祖武皇帝配醮訖論議於行殿是
歲初復佛像及天尊像至是帝與二像俱南面
而坐大陳雜戲令京城士民縱觀乙酉災惑鎮
星合於虛是月相州人段德舉謀反伏誅十一
月乙未幸溫湯戊戌行幸同州壬寅還宮己酉
有星大如斗出張東南流光明燭地丁巳初鑄
永通萬國錢以一當千與五行大布並行是月
韋孝寬拔壽陽杞國公亮拔黃城梁士彥拔
廣陵陳人退走於是江北盡平十二月戊午以
災異屢見帝御路寢見百官詔曰亨昊在上聰
明自下吉凶由人妖不自作朕以寡德君臨區
寓大道未行小信非福始於秋季及此玄冬幽

顯殷勤屢貽深戒至有金入南斗木犯軒轅熒惑干房又與土合流星照夜東南而下然則南斗主於爵祿軒轅爲於後宮房曰明堂布政所也火土則憂孽之兆流星乃兵凶之驗豈其官人失序女謁尚行政事乖方憂患將至何其昭著若斯之甚上瞻俯察朕實懼焉將避正寢齋居克念惡衣減膳去飾撤懸披不諱之誠開直言之路欲使刑不濫及賞弗踰等選舉以才宮闈脩德宜宣諸內外庶盡弼諧允叶民心用銷天譴於是舍仗衛往天興宮百官上表勸復寢膳許之甲子還宮御正武殿集百官及宮人內外命婦大列妓樂又縱胡人乞寒用水澆沃爲戲樂乙丑行幸洛陽帝親御驛馬日行三百里四皇后及文武侍衛數百人並乘駟以從仍令四后方駕齊驅或有先後便加譴責人馬頓仆相屬己卯還宮

二年春正月丁亥帝受朝于道會苑癸巳祠太廟乙巳造二辰畫日月之象以置且左右戊申雨

雪雪止又雨細黃土。○時乃息乙卯詔江左諸州新附民給復二十年初稅入市者人一錢二月丁巳帝幸露門學行釋奠之禮戊午突厥遣使獻方物且逆千金公主乙丑改制詔爲天制詔勅爲天勅壬午尊天元皇太后爲天元上皇太后天皇太后李氏曰天元聖皇太后癸未立天元皇后楊氏爲天元大皇后天皇后朱氏爲天大皇后天右皇后元氏爲天右大皇后天左皇后陳氏爲天左大皇后正陽宮皇后直稱皇

后是月洛陽有雉鷩鳥集於新營太極殿前榮州有黑龍見與赤龍鬪於汴水之側黑龍死三月丁亥賜百官及民大酺詔曰盛德之後是稱不絕功施於民義昭祀典孔子德惟藏往道實生知以大聖之才屬千古之運載弘儒業式叙彝倫至如幽贊天人之理裁成禮樂之務故以作範百王垂風萬葉朕欽承寶曆服膺教義眷言洙泗懷道滋深。褒成啓號雖彰故實旌崇聖績猶有闕如可追封爲鄒國公邑數准舊

唐書卷七
九山
并立後承襲別於京師置廟以時祭享戊子
行軍摠管杞國公亮舉兵反襲行軍元帥鄭國
公韋孝寬於豫州亮不勝孝寬獲而殺之辛卯
以永昌公椿爲杞國公紹簡公連後行幸同州
增候正前驅戒道爲三百六十重自應門至於
赤岸澤數十里間幡旗相蔽鼓樂俱作又令武
賁持鉞馬上稱警蹕以至於同州乙未改同州宮
爲大成宮庚子至自同州詔天臺侍衛之官皆
著五色及紅紫綠衣以雜色爲緣名曰品色衣有

大事與公服間服之壬寅詔內外命婦皆執笏
其拜宗廟及天臺皆僦以甲辰初置天中大皇
后立天左大皇后陳氏丑天中大皇后立妃尉
遲氏爲天左大皇后夏四月乙丑有星大如斗出
天厨流入紫宮抵鈎陳乃滅己巳祠太廟己卯
詔曰朕以寡薄昧於治方不能使天地休和陰
陽調序自春涉夏甘澤未豐旣軫西郊之歎
將虧南畝之業興言夕惕無忘鹽寤寐良由德
化未敷政刑多舛萬方有罪責在朕躬思覃寬

惠被之率土見囚死罪並降從流流罪從徒五
歲刑已下悉皆原宥其反叛惡逆不道及常
赦所不免者不在降例壬午辛中山祈雨至咸
陽宮雨降甲申還宮令京城士女於衢巷作音
樂以迎候五月己丑以上柱國人前疑隨國公楊堅
爲楊州摠管甲午夜帝備法駕幸天興宮乙未
帝不豫還宮詔隨國公堅入侍疾甲辰有星大
如二斗出太微端門流入翼聲若風鼓幡旗
未追趙陳越代滕五王入朝己酉日大漸御正下大

夫劉昉與內史上大夫鄭譯矯制以隨國公堅
受遺輔政是日帝崩於天德殿時年二十二謚
曰宣皇帝七月景申葬定陵帝之在東宮也高
祖慮其不堪承嗣遇之甚嚴朝見進止與諸臣
無異雖隆寒盛暑亦不得休息性既嗜酒高祖
遂禁醪醴不許至東宮帝每有過輒加捶扑嘗
謂之曰古來太子被廢者幾人餘兒豈不堪立
邪於是遣東宮官屬錄帝言語動作每月奏
聞帝憚高祖威嚴矯情脩飾以是過惡遂不外

聞嗣位之初方逞其欲大行在殯曾無戚容即
閱視先帝宮人逼為淫亂纒及踰年便恣聲樂
采擇天下子女以充後宮好自矜夸飾非拒諫
禪位之後彌復驕奢耽酗於後宮或旬日不出
公卿近臣請事者皆附奄官奏之所居宮殿帷
帳皆飾以金玉珠寶光華炫耀極麗窮奢及
營洛陽宮雖未成畢其規摹壯麗踰於漢魏遠
矣唯自尊崇無所顧憚國典朝儀率情變改後
宮位號莫能詳錄每對臣下自稱為天以五色

土塗所御天德殿各隨方色又於後宮與皇后
等列坐用宗廟禮哭罇彝珪瓚之屬以飲食
焉又令群臣朝大臺者比日致齋三日清身一日
車旗章服倍於前王之數既自比上帝不欲令
人同已嘗自帶帶紋衣冠通天冠加金附蟬顧見
侍臣武弁上有金蟬及王公有綬者並令去之又
不聽人有高大之稱諸姓高者改為姜九族稱
高祖者為長祖曾祖為次長祖官名凡稱上及
大者改為長者以天者亦改之又令天下車皆以渾

成木為輪禁天下婦人皆不得施粉黛之飾唯
官人得乘有輜車加粉黛焉西陽公溫祀國公
亮之子即帝之從祖兄子也其妻尉遲氏有容
色因入朝帝遂飲之以酒逼而媵之亮聞之懼
誅乃反纔誅溫即追尉遲氏入宮初為妃尋立為
皇后每召侍臣論議唯欲興造變革未嘗言
及治政其後遊苑無恒出入不飾羽儀仗衛晨
出夜還或幸去輿與宮或遊道會苑陪侍之官
皆不堪命散樂雜戲魚龍爛漫之伎常在目

前好令京城少年為婦人服飾入殿歌舞與後
宮觀之以為喜樂擯斥近臣多所猜忌又委
於財略無賜與恐羣臣規諫不得行已之志常
遣左右密伺察之動止所為莫不鈔錄小有乖
違輒加其罪自公卿已下皆被楚撻其間誅戮
黜免者不可勝言每答捶人皆以百二十為度
名曰天杖宮人內職亦如之后妃嬪御雖被寵嬖
亦多被杖背於是內外恐懼人不自安皆求有
免莫有固志重足累息以逮於終

史臣曰高祖識嗣子之非才顧宗祏之至重薄愛同於晉武則哲異於宋宣但欲威之以權楚期之於懲肅義方之教豈若是乎卒使昏虐君臨姦回肆毒善無小而必弃惡無大而弗為窮南山之簡未足書其過盡東觀之筆不能記其罪然猶獲全首領及子而亡幸哉

紀第七

周書七

紀第八

周書八

靜帝

令狐

德柔

等撰

靜皇帝諱衍後改為闡宣帝長子也母曰朱皇后建德二年六月生于東宮大象元年正月癸卯封魯王戊午立為皇太子二月辛巳宣帝於鄴宮傳位授帝居正陽宮三年夏五月乙未宣帝寢疾詔帝入宿於露門學己酉宣帝崩帝入居天臺廢正陽宮大

周書卷之九十一
一
赦天下停洛陽宮作庚戌上天元上皇太后
尊号爲太皇太后天元聖皇太后李氏爲
太帝太后天元大皇后楊氏爲皇太后天大
皇后朱氏爲帝太后其天中大皇后陳氏天
右大皇后元氏天左大皇后尉遲氏竝出俗
爲尼柱國漢王贊爲上柱國右大丞相上柱
國楊州總管隨國公楊堅爲假黃鉞左大丞
相柱國秦王諱爲上柱國帝居諒闇百官摠已
以聽於左大丞相壬子以上柱國鄭國公韋

孝寬爲相州總管罷入市稅錢有戊午以柱
國許國公宇文弼神武公竇毅脩武公侯莫
陳瓊天安公閻庶人竝爲上柱國趙王招陳王純
越王達代王盛滕王道來朝庚申復行佛道二
教舊沙門道士結誡自守者簡令入道辛酉以
柱國杞國公椿燕國公干寔郃國公賀拔伏恩
竝爲上柱國甲子相州總管尉遲迥舉兵不受
代詔發關中兵以孝寬爲行軍元帥率軍
討之上柱國畢士高員以謀執政被誅以上柱國秦

王贊爲大冢宰北國公椿爲大司徒己巳詔南
定北光衡巴四州民爲宇文亮抑爲奴婢者並
免爲民復其本業甲戌有赤氣起西方漸東
行遍天庚辰罷諸魚池及山澤公禁者與百姓
共之以柱國蔣國公梁睿爲益州惣管秋七月
甲申突厥送齊范陽王高紹義庚寅申州刺
史李慧起兵辛卯月掩氏東南星甲午月掩
南斗第六星庚子詔趙陳越代滕五王入朝不
趨劔履上殿榮山刺史邵國公宇文胄舉兵

丁未隨公楊堅爲都督內外諸軍事

西邳州惣管司馬消難舉兵以柱國楊國公

誼爲行軍元帥率軍討之壬子歲星與太白合

於張有流星大如斗出五車東北流光明燭地

趙王招越王盛以謀執政被誅癸丑封皇弟術

爲鄴王術爲郢王是月豫州荊州襄州三惣管

內諸蠻各率種落反焚燒村驛攻亂郡縣八月

庚申益州惣管王謙舉兵不受代即以梁睿爲

而已未戢干戈實深慙德思弘寬簡之政用
副億兆之心可大赦天下其共迴元謀執迷不悟
及迴子姪逆人司馬消難王謙等不在赦例
庚辰司馬消難擁其衆以魯山甌山二鎮奔
陳遣大將軍宋安公元景山率衆追繫俘
斬五百餘人邠州平沙州氏帥開府楊永安聚
衆應王謙遣大將軍樂寧公達奚儒討之
楊素破宇文胄於榮州斬胄於石濟以上柱
國神武公竇毅爲大司馬齊國公于智爲大
司空廢相青荆金晉梁六州總管九月甲申
惑與歲星合於翼景戌廢河陽總管爲鎮隸
洛州以小宗伯竟陵公陽慧爲大宗伯壬辰廢
皇后司馬氏爲庶人甲午熒惑入太微戊戌
以柱國楊國公王誼爲上柱國辛丑分潼州管
內新遂普合及瀘州管內瀘戎六州並隸信
州總管府己酉熒惑犯左執法庚戌以柱國
常山公于翼化政公宇文忻並爲上柱國進封
翼爲任國公忻爲英國公壬子丞相去左右之

号隨公楊堅為大丞相冬十月甲寅日有蝕
 之乙卯有流星大如五斗出張南流光明燭地
 壬戌陳王純以怨執政被誅大丞相隨國公楊
 堅加大冢宰五府摠於天官戊寅梁眷破王謙
 於劔南追斬之傳首京師益州平十一月甲辰
 達奚儒破楊永安於沙州沙州平乙巳歲星守
 太微丁未上柱國鄭國公韋孝寬薨十二月
 壬子以柱國蔣國公梁眷為上柱國癸丑熒
 惑入氐丁巳以柱國邦國公楊雄為普安公賀

上柱國公梁眷上柱國大將軍新寧公

武鄉公崔弘度大將軍中山公宇文弼

公宇文述渭原公和干子任城公王昱少府

公楊銳上開府廣宗公李崇隴西公丁詢並

為上柱國庚申以柱國楚國公豆盧勣為

柱國癸亥詔曰詩稱不如同姓傳曰異姓為後

蓋明辯親疎皎然不雜太祖受命龍德猶潛

錄表革代之文星垂除舊之象三分天下志

扶魏室多所改作異允上玄文武羣官賜姓

者衆本殊國邑實乖胙土不歆非類異骨肉
而共承嘗不愛其親在行路而叙昭穆且神
徵革姓本爲曆數有歸天命在人推讓終
而弗獲故君臨區寓累世於茲不可仍遵謙
挹之旨久行權宜之制諸改姓者悉且復舊
甲子大丞相隨國公楊堅進爵封爲王以十郡爲
國在末代王達滕王道竝以謀執政被誅壬申
以大將軍長寧人公楊勇爲上柱國大司馬小冢
平始平公元年孝矩爲大司寇

大定元年春正月壬午詔曰朕以不天夙遭極罰
光陰遄速遽及此辰窮慕纏綿言增號絕踰
祝革号憲音前典可改大象三年爲大定元年
乙酉歲星逆行守右執法熒惑掩房北第一星
景成詔曰帝王設官惟才是務人臣報國薦
賢員爲重去歲已來屢有妖寇宰臣英筭咸
得清蕩逆亂之後兵車始竭遐邇勞役生民
未康居官之徒致治者寡斯故上失其道以至
於茲亦由下有幽人未展其力今四海寧一八表

無塵元輔執鈞垂風揚化若使天下英傑盡升
於朝銓衡陟降量才而處垂拱無爲庶幾可
至於是遣戎秩上開府以上職事下大夫以上外
官刺史以上各舉清平勤幹者三人被舉之
人居官三年有功過者所舉之人隨加賞罰以
大司馬長寧公楊勇爲洛州總管二月庚申
大丞相隨王楊堅爲相國物心百揆更封十郡
通前二十郡劔履上殿入朝不趨贊拜不名
備九錫之禮加璽絨遠遊冠相國印綠綬受位

在諸王上又加冕十有二旒建天子旌旗出警入
蹕乘金根車駕六馬備五時副車置旄頭雲
罕樂舞八佾設鍾虡宮懸皇后王子爵命之
号並依魏晉故事甲子隨王楊堅稱尊号
帝遜于別宮隨氏奉帝爲介國公邑萬戶
車服禮樂一如周制上書不爲表表不稱詔
有其文事音不行開皇元年五月壬申崩時
年九歲隨志也謚曰靜皇帝葬恭陵
史臣曰靜帝越自幼冲紹茲衰緒內相挾孫

劉之詐戚藩無齊代之彊隨氏因之遂遷龜
鼎雖復岷峨投袂翻成陵奪之威漳滏勤王
無救宗周之殞嗚呼以太祖之克隆景業未
踰二紀不祀忽諸斯蓋宣帝之餘殃非孺子
之罪戾也

紀第八

周書八

列傳第一

周書九

皇后

令狐

德茶

筆撰

文帝元皇后

文宣叱奴皇后

孝閔帝元皇后

明帝獨孤皇后

武帝阿史那皇后

武帝李皇后

宣帝楊皇后

宣帝朱皇后

宣帝陳皇后

宣帝元皇后

宣帝尉遲皇后

靜帝司馬皇后

書紀有虞之德載釐降二女詩述文王之美稱
刑于寡妻是知婚姻之道男女之別寔有國有
家者之所慎也自三代迄于魏晉興衰之數得

矢之迹備乎傳記故其詳得聞焉若好納以
德之閑以禮大美正於宮闈王化行於邦國則
坤儀式固而鼎命惟永大至於邪僻既進法度
莫修冶容迷其主心私謁蠹其朝政則風化凌
替而宗社不守矣夫然者豈非皇王之龜鑑與
周氏率由姬制內職有序太祖創基修枉席以
儉約高祖嗣曆節情欲於矯枉宮闈有貫魚之
美戚里無私溺之尤可謂得人君體也宣皇外
行其志內逞其欲溪壑難滿採擇無厭恩之所

加莫限所阜榮之所及無隔險諒於是升蘭殿而正位踐椒庭而齊體者非一人焉階房帷而拖青紫承恩倖而擁玉帛者非一族焉雖辛癸之荒淫趙李之傾惑曾皇足比其騁騁也民厭苛政弊事寔多太祖之非忽諸特由於此故叙其事以爲皇后傳云

文帝元皇后魏孝武帝之妹初封平原公主適開張歡歡性貪殘遇后無禮又嘗殺后侍婢台怒之於帝帝乃劫歡於之政封后爲馮翊武成初又追尊爲皇后

公主以配太祖生孝閔帝大統十六年薨魏恭帝三年十二月合葬成陵孝閔帝踐祚追尊爲王后

生高祖天和三年六月尊爲皇太后建德二年三月癸酉崩四月丁巳葬永固陵

孝閔帝元皇后名胡摩魏文帝第五女初封晉安公主帝之爲潞陽公也尚焉及踐祚立爲王后帝被廢后出俗爲尼建德初高祖誅晉國公

護上帝尊號為孝閔帝以后為孝閔皇后居崇
義宮隋氏革命后出居里第大業十二年殂

明帝獨孤皇后太保衛國公信之長女帝之在
藩也納為夫人二年正月立為王后四月崩葬
昭陵武成初追崇為皇后世宗崩與后合葬
武帝阿史那皇后突厥木杆可汗侯斤之女突
厥滅茹茹之後盡有塞表之地控弦數十萬志陵
中夏太祖方與齊人爭衡結以為援侯斤初欲
以女配帝既而悔之高祖即位前後累遣使要

結乃許歸后於世保定五年二月詔陳國公純
許國公宇文貴神武公竇毅南陽公揚荐等
奉備皇后文物入行殿并六宮以下百二十人至
侯斤牙帳所迎后侯斤又許齊人以婚將有異
志純等在彼累載不得反命雖諭之以信義侯
斤不從會大雷風起飄壞其穹廬等旬日不
止侯斤大懼以為天譴乃備禮送后及純等設
行殿列羽儀奉之以歸天和三年三月后至高
祖行親迎之禮后有姿貌善容止高祖深敬焉

宣帝即位尊為皇太后大象元年二月改為天元皇太后二年二月又尊為天元上皇太后冊曰天元皇帝臣贊奉璽綬冊謹上天元皇太后尊號曰天元上皇太后伏惟窮神盡智含弘載物道洽萬邦儀刑四海聖慈訓誘恩深明德雖冊徽號未極尊嚴是用增奉鴻名光緝常禮俾誠敬有展歡慰在茲福祉無疆億兆斯賴宣帝崩靜帝尊為太皇太后隋開皇二年殂年三十二隋文帝詔有司備禮冊祔葬於孝陵

武帝李皇后名娥姿楚人也于謹平江陵后宮被籍沒至長安太祖以后賜高祖後稍得親幸大象元年二月改為天元帝太后七月又尊為天皇太后二年尊為天元聖皇太后冊曰天元皇帝臣諱奉璽綬冊謹上天皇太后尊號曰天元聖皇太后伏惟月精効祉坤靈表貺端肇丹陵慶流華渚雖率由令典夙奉徽號而因心盡敬未極尊名是用思弘稱首上昭聖德敢竭誠敬永綏福履顯揚慈訓貽厥孫謀宣帝崩靜

帝尊為太帝太后隋開皇元年三月出俗為尼改名常悲八年殂年五十三以尼禮葬于京城南

宣帝楊皇后名麗華隋文帝長女帝在東宮高祖為帝納后為皇太子妃宣政元年閏六月立為皇后帝後自稱天元皇帝號后為天元皇后尋又立天皇后及左右皇后與后為四皇后焉二年詔曰帝降二女后德所以儷君天列四星妃象於焉垂耀朕取法上玄稽諸令典

命四后內正六宮庶弘贊采德廣脩采盛比殊禮雖降稱謂曷宜其因天之象增錫嘉名於是后與三皇后並加十八焉帝遣使持節冊后為天元太皇后曰咨爾今皇載德體順居貞肅恭享祀儀刑邦國是用嘉茲顯號式暢徽音爾其敬踐厥猷寅蒼靈命對揚休烈可不慎歟尋又立為天中大皇后與后為五皇后后性柔婉不妬忌四皇后及嬪御等咸愛而仰之帝後昏暴滋甚喜怒乖度嘗譴后欲加之罪

后進止詳閑辭色不撓帝大怒遂賜后死逼令
引訣后母獨孤氏聞之詣閣陳謝叩頭流血然
後得免帝崩靜帝尊后為皇太后居弘聖宮
初宣帝不豫詔后入禁中侍疾及大漸劉昉
鄭譯等因矯詔以后父受遺輔政后初雖不預
謀然以嗣主幼冲恐權在他族不利於已聞昉
譯已行此詔心甚悅之後知其父有異圖意頗
不平形於言色及行禪代憤惋逾甚隋文帝既
不能譴責內甚愧之開皇六年封后為樂平公
主後又議奪其志后誓不許乃止大業五年從
煬帝幸張掖殂於河西年四十九煬帝還京詔
有司備禮祔葬后於定陵

宣帝朱皇后名滿月天人也其家坐事没入東
宮帝之為太子后被選進掌帝衣服帝年少召
而幸之遂生靜帝大業元年立為天元帝后尋
改為天皇后二年又改為天大皇后冊曰咨爾
彌宣四德訓範六宮軒庭列序堯門表慶嘉
稱既降盛典宜膺爾其飾性履道無愆禮正

永固休祉可不慎歟后本非良家子又年長於
帝十餘歲踈賤無寵以靜帝故特尊崇之班亞
楊皇后焉宣帝崩靜帝尊為帝太皇后隋開
皇元年出俗為尼名法淨六年殂年四十以尼禮
葬京城

宣帝陳皇后各月儀白云潁川人大將軍山提
第八女也大象元年六月以選入宮拜為德妃
月餘立為天左皇后二年二月改天左大皇后冊
曰咨爾儀範柔閑操履凝潔淑問彰於遠

近令則冠於宮闈是用由彼寵章加茲徽號爾

其復禮問詩披圖顧史永隆嘉命可不慎歟

三日又詔曰正內之重風化之基嘉耦之制代多

殊典軒轅繼軌次妃並四虞舜受命厥取女猶

三禮非相龍襲隨時不侮朕祗承寶圖載弘徽

號自我改作超革先王白天元居極五帝所以

仰崇王者稱尊列后於焉上儷且坤儀比德

土數惟五既婚恒典后取斯儀四大皇后外可

增置天中大皇后一人中中大皇后爰王采盛徽

音日躋肇建嘉名宮膺顯冊於是以后為六
中大皇后帝崩后出家為尼改名華光后父山
提本高氏之隸仕齊官至特進開府東兗州刺
史謝陽王高祖平齊拜大將軍封淅陽郡公
大象元年以后父超授上柱國進封鄆國公除
大宗伯

宣帝元皇后名藥尚河南洛陽人也開府晟
之第二女年十五被選入宮拜為貴妃大象元
年七月立為天右宮后二年二月改為天元太

皇后冊曰咨爾資貞靈姜水載德塗山懋淑內
融徽音潛暢是用加茲寵數式光踐禮爾其聿
脩儀軌肅膺顯冊祇奉休命可不慎歟帝崩
后出俗為尼改名華勝初后與陳后同時被
選入宮俱拜為妃及升后位又同日受冊帝寵
遇二后禮數均等年齒復同特相親愛及為
尼後李朱及尉遲后等並相繼殞沒而二后于
今尚存后父晟少以元氏宗室拜開府大象元
年七月以后父進位上柱國封翼國公

宣帝尉遲皇后名熾繁蜀國公迥之孫女有
美色初適杞國公亮子西陽公温以宗婦例入
朝帝逼而幸之及亮謀逆帝誅温進后入宮拜
爲長貴妃大象二年三月立爲天左太皇后冊
曰咨爾門膺積善躬表靈貺徽音茂德朕
實嘉之是用弘茲盛典申彼寵章爾其克慎
厥猷寅咨景命永承休烈可不慎歟帝崩后
出俗爲尼改名華光自隋開皇十五年殂年三十
靜帝司馬皇后名令姬柱國榮陽公暹之

女大象元年二月宣帝傳位於帝高祖納
爲皇后冊曰坤道成形厚德於焉載物陰積
迭運重光所以麗天左在昔皇王膺乾御曆內
政爲助昭被圖篆惟爾門積慶靈家韜休
烈徽音令範無背一時是用命爾作儷皇極
爾其克勵婉心肅膺盛典追皇英之逸軌庶
任妙之芳塵禕翟有光采盛無怠雖休勿休
以隆嘉祚二年九月隋文帝以后父擁衆奔陳
廢后爲庶人後嫁爲隋司隸刺史李丹妻子

今尚存

史臣曰孔子稱夷狄之有君不如諸夏之亡也
是以周納狄后富辰謂之禍階晉外戎女卜人
以為不吉斯固非謬焉自周氏受命逮乎高
祖年踰三紀世歷四君業非草昧之辰事殊
權宜之日乃弃同即異以夷亂華捐婚姻之
彝序求豺狼之外利既而報者倦矣施者無
厭向之所謂和親未幾已成讎敵竒正之道有
異於斯于時高祖雖受制於人未親庶政而謀
士韞竒直臣鉗口過矣歷觀前載以外戚而
居宰輔者多矣申呂則歷代無聞呂霍則與時
俱盛傾漢室者王族喪周祚者楊氏何滅亡之
禍合若符契焉斯魏文所以發一槩之詔也已

列傳第一

周書九

五方

周書列傳卷

上

列傳第二

周書十

令狐

德棻

等

邵惠公顯

子什肱導護什子胄
導子廣亮翼椿衆

杞簡公連

莒莊公洛生

子善提

虞國公仲

子

邵惠公顯太祖之長兄也德皇帝娶樂浪王氏
是為德皇后生顯次杞簡公連次莒莊公洛生
次太祖顯性至孝德皇后崩哀毀過禮鄉黨歲

劭異焉德皇帝與衛可孤戰于武川南河臨陣
墜馬顛與數騎奔救擊殺數十人賊眾披靡德
皇帝乃得上馬引去俄而賊追騎大至顛遂戰
歿保定初追贈太師柱國大將軍大冢宰大都督
恒朔等十州諸軍事恒州刺史封邵國公邑萬
戶謚曰惠顛三子什肥道護護別有傳

什肥年十五而惠公沒自傷早孤事母以孝聞
永安中太祖入關什肥不能離母遂留晉陽及
太祖定秦隴什肥為齊神武所害保定初追贈
大將軍小冢宰大都督冀定等州諸軍冀州

刺史襲爵邵國公謚曰景子胄嗣

胄少而孤貧頗有幹略景公之見害也以年初
下虢室保定初詔以晉公護子會紹景公封天
和中與齊通好胄始歸關中授大將軍開府儀
同三司襲爵邵國公尋除宗師中大夫進位大將
軍出為原州刺史轉榮州刺史大象末隋文帝
輔政胄舉州兵應尉遲迥與清河公楊素戰敗
逃走追獲於石濟遂斬之國除胄子乾仁幼好

學聰惠魏恭帝二年以護平江陵之功賜爵江陵縣公保定初紹景公後拜驃騎大將軍開府儀同三司二年除蒲州潼關六防諸軍事蒲州刺史曹至自齊改封譚國公尋進位柱國建德初與護同伏誅三年五月追贈復封舊爵

導字菩薩少雄豪有仁惠太祖愛之初與諸父在葛榮軍中榮敗遷至晉陽及太祖隨賀拔岳入關導從而西常從征伐太祖討侯莫陳悅以導爲都督鎮原州及悅敗北走出故塞導率騎追

之至臺也山及悅斬之傳首京師以功封饒陽縣增邑五百戶拜冠軍將軍加通直散騎常侍魏文帝即位以定策功進爵爲公增邑五百戶拜使持節散騎常侍車騎大將軍左光祿大夫三年太祖東征導入宿衛拜領軍將軍大都督齊神武渡河侵馮翊太祖自弘農引軍入關導督左右禁旅會於沙苑與齊神武戰大破之進位儀同三司明年魏文帝東征留導爲華州刺史及趙青雀于伏德慕容思慶等作亂導討華州

率所部兵擊之擒伏德斬思慶進屯渭橋會大
祖軍事平進爵章武郡公增邑并前二千戶尋
加侍中開府驃騎大將軍太子少保高仲密以
北豫降太祖率諸將輔魏皇太子東征復以
道守爲大都督華東雍二州諸軍事行華州刺史導
治兵訓卒得定捍之方及大軍不利東魏軍追
至稠桑知關中有備乃退會侯景舉河來附遣
使請援朝議將應之乃徵爲隴右大都督秦南
等十五州諸軍事去秦州刺史及齊氏稱帝太祖

發關中兵討之魏文帝遣齊王廓鎮隴右徵導
還朝拜大將軍大都督三雍二華等二十三州
諸軍事屯咸陽大軍還乃旋舊鎮導性寬
明善於撫御凡所引接人皆盡誠臨事敬慎常
若弗及太祖每出征討導恒居守深爲吏民所
附朝廷亦以此重之魏恭帝元年十二月薨死於
上邽年四十四魏帝遣侍中漁陽王緇監護喪
事贈本官加尚書令秦州刺史謚曰孝朝議以
導撫和西戎威恩顯著欲令世鎮隴右以彰厥

德乃葬於上邽城西無疆原華戎會葬有萬餘人奠祭於路悲號滿野皆曰我君捨我乎大小相率負土成墳高五十餘尺周迴八十餘步為官司所止然後泣辭而去其遺愛見思如此天和五年重贈太師柱國豳國公道守五子廣亮翼椿衆亮椿竝出後於杞

廣字乾歸少方嚴好文學初封永昌郡公孝閔帝踐阼改封天水郡公世宗即位授驃騎大將軍開府儀同三司出爲秦州刺史武成初進位

大將軍遷梁州總管進封蔡國公增邑萬戶保定初入爲小司寇尋以本官鎮蒲州兼知潼關等六防諸軍事二年除秦州總管十三州諸軍事秦州刺史廣性明察善綏撫民庶畏而悅之時晉公護諸子及廣弟杞國公亮等服玩侈靡踰越制度廣獨率由禮則又折節待士朝野以是稱焉曾侍食於高祖所食瓜■持以奉進高祖悅之四年進位柱國廣以晉公護久擅威權勸令挹損護不能納天和三年除陝州總管以病

免及考公追封幽國公詔廣襲爵時初廣母李氏以廣患彌年憂而成疾因此致沒廣既居喪更加綿篤乃以毀薨世稱母為廣病廣為母亡慈孝之道極於一門高祖素服親臨百僚畢集其故吏儀同李充信等上表曰臣聞資孝成忠生民高義旌德樹善有國常規竊惟故幽國公臣廣懿親令望具瞻攸在道冠羣后功懋維城受服建旆威行秦隴班條驅傳化溢嶠函比勝理舛和奉詔還闕藥石所及沉痾漸愈而災孽仍集于此窮息至性過人遂增舊疾因茲毀頓以至薨殞尋繹貫切不能自己臣等接事每承餘論仰之平昔約已立身位位上公賦兼千乘所獲祿秩周贍無餘器用服玩取給而已每言及終始尤存簡素非秦政而褒吳禮譏石椁而美厚薪今卜兆有期先遠方及誠恐一從朝露比志莫伸伏惟陛下弘不世之慈垂霈然之澤留情既往降愍幽魂爰勅有司申其宿志窆窆之禮庶存儉約詔曰省充信等表但增衣厚幽

國公廣藩屏令望宗室表儀言著身之行成則方馮懿戚用匡朝政奄丁荼蓼便致滅啓手歸全無忘雅操言念既往震于厥心昔河間才藻追叙於中尉東海謙約見稱於身後可斟酌前典率由舊章使易筆貝之言得申遺志黜殞之請無虧令終於是贈本官加太保葬於隴西所司一遵詔旨竝存儉約子洽嗣太定中隋文輔政以宗室被害國除

亮字乾德武成初封永昌郡公後龍襲烈公爵除

開府儀同三司梁州摠管天和末拜宗師中大夫進位大將軍函國公亮以亮為秦州摠管廣之所部悉以配焉亮在州甚無政績尋進位柱國晉公護誅後亮心不自安唯縱酒而已高祖手勅讓之建德中高祖東伐以亮為右第二軍摠管并州平進位上柱國仍從平鄴遷大司徒宣帝即位出為安州摠管天象初詔以亮為行軍摠管與元帥鄭國公韋孝寬等伐陳亮自安陸道攻拔黃城輒破江側民村掠其生口

以賜士卒軍還至豫州亮密謂長史杜士峻曰
主上淫縱滋甚社稷將危吾既忝宗枝不忍坐
見傾覆今若襲取鄆國公而并其衆推諸父
爲主鼓行而前誰敢不從遂夜將數百騎襲孝
寬營會亮國官茹寬知其謀先以馳告孝寬乃
設備亮不克遯走孝寬追斬之子明坐亮誅詔
以亮弟椿爲烈公後

翼字乾宜武成初封西陽郡公早薨謚曰昭無
子以杞國公亮子溫爲嗣後坐亮反誅國除

椿字乾壽初封永昌郡公保定中授開府儀同
三司宗師中大夫建德初加大將軍尋除岐州
刺史四年關中民飢椿表陳其狀爾書勞慰
因令所在開倉賑卹四年高祖東伐椿與齊王
憲攻拔武濟等五城五年高祖出晉州椿率衆
屯樓雞原宣帝即位拜大司寇亮誅後詔令紹
烈公封尋進位上柱國轉大司徒大定初爲隋
文帝所害并其五子西陽公道宗本仁隣武子
禮獻

周書傳二
衆字乾道保定初封天水 公少而不惠語默
不常人莫能測隋文帝踐極初欲封爲介公後
復誅之并二子仲和孰倫

杞簡公連幼而謹厚臨敵果毅隨德皇帝逼定
州軍於唐河遂俱歿保定初追贈使持節太傅
柱國大將軍大司徒大都督定冀等十州諸軍
事定州刺史封杞國公邑五千戶謚曰簡子光
寶貝爲齊神武所害保定初追贈大將軍小司徒大
都督幽燕等六州諸軍事幽州刺史龍襄爵杞國

公謚曰烈以章武公道導子亮嗣

莒莊公洛生少任俠尚武藝及壯有大度好施
愛士北州賢俊皆與之遊而才能多出其下及
葛榮破鮮于脩禮乃以洛生爲漁陽王仍領德
皇帝餘衆時人皆呼爲洛生王洛生善將士帳
下多驍勇至於攻戰莫有當其鋒者是以克獲
常冠諸軍爾朱勞定山東收諸豪傑遷於晉陽
洛生時在虜中榮雅聞其名心憚之尋爲榮所
害保定初追贈使持節太保柱國大將軍大冢

率大宗伯大都督并肆等十州諸軍事并州刺史封莒國公邑五千戶謚曰莊

子菩提為齊神武所害保定初追贈大將軍小宗伯大都督肆恒等六州諸軍事肆州刺史襲爵莒國公謚曰穆以晉公護子至為嗣

至字乾附初封崇業公後襲穆公爵建德初父護誅詔以衛王直子賓為穆公後三年追復至爵

賓字乾瑞尋坐直誅建德六年更以齊王憲子

廣都公真襲爵真字乾禎宣帝初被誅國除

虞國公仲德皇帝從父兄也卒于代保定初追贈使持節太傅柱國大將軍大司徒大都督燕平等十州諸軍事燕州刺史封虞國公邑三千戶子興嗣

興生兵亂與仲相失年又冲幼莫知其戚屬遠近與太祖兄弟初不相識齊神武寇沙苑興預在行間軍敗被虜隨例散配諸軍興性弘厚有志度雖流離世故而風範可觀魏恭帝二年舉

賢良除本郡丞徙長隰縣令保定二年詔仲子
興始附屬籍高祖以興宗戚近屬尊禮之甚厚
拜使持節驃騎大將軍開府儀同三司都督封
大寧郡公尋除宗師中大夫四年出為涇州刺
史五年又徵拜宗師加大將軍襲爵虞國公天
和二年薨高祖親臨慟焉詔大司空申國公李
穆監護喪事贈使持節柱國大將軍大都督恒
幽等六州諸軍事恒州刺史 誼曰靖子洛嗣
洛字水洛九歲命為虞國公世子天和四年詔

襲爵建德初拜使持節車騎大將軍儀同
三司及靜帝崩隋文帝以洛為介國公為隋室
賓云

史臣曰自古受命之君及守文之主非獨異姓
之輔也亦有骨肉之助焉其茂親有魚魯衛梁楚
其疎屬有凡蔣荆燕咸能飛聲騰實不泯於百
代之後至若函孝公之勳烈而加之以善政茲亦文
公之純孝而飾之以儉約我我焉足以輔輔於
前載矣當隋氏之起乘天威而服海內將相王

侯莫不隳肝膽以効欵援符命以頌德曾以葭
華之親據一州而叶義舉可謂忠而能勇功業
不遂悲夫亮實庸才圖非常於巨逆古人稱不
度德不量力者其斯之謂歟

列傳第二

周書

列傳第三

周書十一

令狐

德榮

等撰

晉蕩公護

叱羅

馮遷

晉蕩公護字蔭保太祖之兄邵惠公顥之少子
也幼方正有志度特為德皇帝所愛異於諸兄
年十一惠公薨隨諸父在葛榮軍中榮敗遷晉
陽太祖之入關也護以年小不從普泰初自晉陽
至平涼時年十七太祖諸子並幼遂委護以家務
內外不嚴而肅太祖嘗歎曰此兒志度類我及出

臨夏州留護事賀拔岳岳之被害太祖至平涼以護為都督從征侯莫陳悅破之後以迎魏帝功封水池縣伯邑五百戶大統初加通直散騎常侍征虜將軍以預定樂勳進爵為公增邑通前一千戶從太祖擒竇泰復弘農破沙苑戰河橋並有功遷鎮東將軍大都督八年進車騎大將軍儀同三司邙山之役護率眾先鋒為敵人所圍都督侯伏侯龍恩挺身扞禦方得免是時趙貴等軍亦退太祖遂班師護坐免官尋復本位十二年

年加驃騎大將軍開府儀同三司進封中山公增邑四百戶十五年出鎮河東遷大將軍與于謹征江陵護率輕騎為先鋒晝夜兼行乃遣裨將攻梁臨邊城鎮並拔之并擒其候騎進兵徑至江陵城下城中不意兵至惶窘失圖護又遣騎二千斷江津收舟艦以待大軍之至圍而克之以功封子會為江陵公初襄陽蠻帥向天保等萬有餘落恃險作梗及師還護率軍討平之初行六官拜小司空太祖西巡至牽屯山遇疾馳驛

召護護至涇州見太祖而太祖疾已綿篤謂護曰
吾形容若此必是不濟諸子幼小寇賊未寧天下
之事屬之於汝宜勉力以成吾志護涕泣奉命行
至雲陽而太祖崩護秘之至長安乃發喪時嗣
子冲弱疆寇在近人情不安護綱紀內外撫循
文武於是衆心乃定先是太祖常云我得胡力當
時莫曉其旨至是人以護字當之尋拜柱國太
祖山陵畢護以天命有歸遣人諷魏帝遂行禪
代之事孝閔帝踐祚拜大司馬封晉國公邑一萬
戶趙貴獨孤信等謀襲護護因貴入朝追執之
黨與皆伏誅拜大冢宰時司會李植軍司馬孫
恒等在太祖之朝久居權要見護執政恐不見
容乃密要宮伯乙弗鳳張必洛加拔提元進等
為腹心說帝曰護誅趙貴必乘威權日盛謀臣
宿將爭往附之大小政事皆決於護以臣觀之將
不守臣節恐其滋蔓願早回鑒之帝然其言鳳等
又曰以先王之聖明猶委植恒以朝政公若左提右
挈何向不成且晉公常云我公下夾輔陛下欲行周

公之事臣聞周公攝政七年然後復子明辟陛下今日豈能七年若此乎深恐不疑帝愈信之數將武士於後園講習爲執縛之勢護微知之乃出植爲梁州刺史恒爲潼關刺史欲逼其謀後帝思植等每欲召之護諫曰天下至親不過兄弟若兄弟自構嫌隙他人何易可親太祖以陛下富於春秋顧命託臣以後事臣旣情兼家國寔願竭其股肱若使陛下頭顱萬機威加四海臣死之日猶生之年但恐除臣之後姦奴回得逞其

欲非唯不利陛下亦恐社稷危亡臣所以勤勤懇懇干觸天威者但不負太祖之顧託保安國家之鼎祚耳不意陛下不照忠臣款誠忽生疑阻且臣旣爲天子兄復爲國家宰輔知更何求而懷冀望伏願陛下有以明臣無惑讒人之口因泣涕久之乃止帝猶猜之鳳等益懼密謀滋甚遂克日將召羣公入醮執護誅之光洛具以其前後謀告護護乃召柱國賀蘭祥少司馬尉遲綱等以鳳謀告之祥等並勸護廢帝時綱摠領禁兵護乃遣

綱入宮召鳳等議事及出以次執送護第因罷散宿衛兵遣祥逼帝幽於舊邸於是召諸公卿畢集護流涕謂曰先王起自布衣躬親行陣勤勞王業三十餘年寇賊未平奄棄萬國寡人地則猶子親受顧命以略陽公既居正嫡與公等立而奉之革魏興周爲四海主自即位以來荒淫無度昵近羣小踈忌骨肉大臣重將咸欲誅夷若此謀遂行社稷必致傾覆寡人若死將何面目以見先王今日寧負略阻勿不負社稷爾寧都公年德

兼茂仁孝聖慈四世母歸心萬方注意今欲廢立明公等以爲如何羣臣咸曰此公之家事敢不惟命是聽於是斬鳳等於門外并誅植恒等尋亦弒帝迎世宗於岐州而立之二年拜太師賜輅車冕服封子至爲崇業郡公初改雍州刺史爲牧以護爲之并賜金石之樂武成元年護上表歸政帝許之軍國大事尚委於護帝性聰睿有識量護深憚之有李安者本以鼎俎得寵於護稍被升擢位至膳部下大夫至是護乃密

令安因進食於帝加以毒藥帝遂寢疾而崩護立高祖百官揔已以聽於護自太祖爲丞相立左右十二軍揔屬相府太祖崩後皆受護處分凡所徵發非護書不行護第屯兵禁衛盛於宮闕事無巨細皆先斷後聞保定元年以護爲都督中外諸軍事令五府揔於天官或有希護旨云周公德重魯立文王之廟以護功比周公宜用此禮於是詔於同州晉國第立德皇帝別廟使護祭焉三年詔曰大家宰晉國公智周萬物道濟

天下所以克成我帝業安養我蒼生況親則懿昆任當元輔而可同班羣品齊位衆臣自今詔誥及百司文書並不得稱名以彰殊禮護抗表固讓初太祖創業即與突厥和親謀爲犄角共圖高氏是年乃遣柱國楊忠與突厥東伐破齊長城至并州而還期後年更舉南北相應齊主大懼先是護母閻姬與皇第四姑及諸戚屬並沒在齊皆被幽繫護居宰相之後每遣間使尋求莫知音息至是立許還朝且請和好四年

皇姑先至齊主以護既當權重乃留其母以為
後圖仍令人為閭作書報護曰天地隔塞子母
異所三十餘年存亡斷絕肝腸之痛不能自勝
想汝悲思之懷復何可處吾自念十九入汝家今
已八十矣既逢喪亂備嘗艱阻恒冀汝等長成
得見一日安樂何期罪覺深重存沒分離吾凡
生汝輩三男三女今日目下不覩人興言及此悲
纏肌骨賴皇齊恩卹差安衰暮又得汝楊氏姑
及汝叔母紇于汝嫂劉新婦等同居頗亦自適

但為微有耳疾大語方聞行必勤飲食幸無多恙
今大齊聖德遠被特降鴻慈既許歸吾於汝
又聽先致音耗積稔長悲謗公獲展此乃仁侔
造化將何報德汝與吾別之時年尚幼小以前家
事或不委曲昔在武川鎮生以兄弟大者屬鼠
次者屬兔汝身屬蛇鮮于修端恒起日吾之闔家
大小先在博陵郡住相將欲向左人城行至唐
河之北被定州官軍打敗汝叔及二叔時俱戰
亡汝叔母賀拔及兒元寶汝叔母紇于及兒菩

提并吾與汝六人同被擒捉入定州城未幾間將吾及汝送與元寶掌賀拔統于各別分散寶掌見汝云我識其祖翁形狀相似時寶掌營在唐城內經停二日寶掌所掠得男夫婦文可六七十人悉送向京吾時與汝同被送限至定州城南夜宿同鄉人姬庫根家茹茹奴望見鮮于修禮營火語吾云我今走向木軍旣至營遂告吾輩在此明日日出汝叔將兵邀截吾及汝等遂得向營汝時年十二共吾並乘馬隨軍可不記此事緣由也於後

吾共汝在受陽仕時元寶菩提及汝姑兒賀蘭盛洛并汝身四人同學博士姓七爲人嚴惡凌等四人謀欲加害吾汝共叔母七寺聞知各捉其兒打之唯盛洛無母獨不被打七其後余朱天柱亡歲賀拔阿斗泥在相州西遣人七家累時汝叔亦遣奴來富迎汝及盛洛等汝時著緋綾袍銀裝帶盛洛着紫織成纈通身袍黃綾裏並乘騾同去盛洛小於汝汝等三人竝呼吾作阿摩敦如此之事當分明記之耳今又寄汝小時所着

錦袍表一領至宜檢看知吾令一悲戚多歷年祀
屬千載之運逢大齊之德矜世心開恩許得相見
一聞此言死猶不朽况如今女日勢必聚集禽獸
草木母子相依吾有何罪幽入汝分離今復何
福還望見汝言此悲喜死而更蘇世間所有
求比日可得母子異國何處可求假汝貴極王公
富過山海有一老母八十之年飄然千里死亡
夕不得一朝暫見不得一日同厓寒不得汝衣饑不
得汝食汝雖窮榮極盛光耀世間汝何用爲於吾

何益五口人自之前汝旣不得由其供養事往何
論今日以後五口之殘命唯繫於汝爾戴天履地
中有鬼神勿云冥昧而可欺負汝楊氏姑今雖炎
暑猶能先設關河阻遠隔絕多年書依常體
去思汝致氣言是以每存此實衆亦載吾姓名當識
此理不以爲怪護性善事得書悲不自勝左右
首公案作視報書曰區宇分崩遭遇災禍遠離膝
下三十五年受形直氣骨知母子誰同薩保如此
不孝宿殃積戾唯應瞞鐘豈悟網羅上嬰慈母

但立身立行不負一物明神有識宜見哀憐而子
爲公侯母爲俘隸孰不自見母熱寒不見母寒衣
不知有無食不知饑飽一汝如天地之外無由暫聞
書及悲號繼之以血分懷寬酷終此一生死若有
拜冀奉見於泉下爾一不謂齊朝解網惠以德
之磨敷四姑並許矜放初聞此旨魂爽飛越號
哭天地不能自勝四姑曰蒙禮送平安八境以今
月十八日於河東等見心奉顏色崩動肝腸但
是結多年存心阻隔相見之姑口下忍言唯私

齊朝寬弘母存大德云與摩敷難處官私崇蒙
傷禮今者來鄴因遇彌咄矜哀聽許摩敷垂
敕曲盡悲酷備述家事伏讀未周五情感割書
中所道無事敢忘摩敷年齒又加憂苦常謂寢
膳貶損或多遺漏伏奉論述次第分明一則以悲
一則以喜當鄉里破敗之日薩保年已十餘歲隣
曲舊事猶自記憶况家門禍難親戚流離奉辭
時節先後慈訓刻肌刻骨常纏心腑天長喪亂
四海橫流太祖乘時齊朝撫運兩河三輔各值神

機原其事跡非相負背太祖升遐未定天保產
保屬當猶子之長親受顧命雖身居重任職當
憂責至於歲時稱慶子孫在庭顧視悲摧心情
絕胡顏履戴負媿神明霽然之恩既以露冷
愛敬之至施及傍人草木有心禽魚感澤況在
人倫而不銘戴有家有國信義為大以展哀期
之悲有日得奉見慈顏永畢生願生死肉骨
今恩負山戴岳未足勝荷二國分隔
主上以彼朝不絕子母之恩亦賜

期今日得通家問伏紙嗚咽言不宣心蒙寄語
保別時所留錦袍表年歲雖久宛然猶識抱此
悲泣至于拜見事歸忍死知復何心齊朝不即
發遣更令與護書要護重報往返再三而母竟
不至朝議以其失信令有司移齊曰夫有義則
存無信不立山岳猶輕兵食非重故言誓弗違
重所以尊國祝史無媿隨會所以為盟未有
司牧生民君臨有國可以忘義而多食言者也
自數屬屯夷時鐘北隔皇家親戚淪陷三絕

仁姑世母望絕生還彼朝以去夏之初德音爰發
已送仁姑許歸世母乃稱煩暑指克來秋謂其
信必由衷嘉言無爽今落木戒候冰霜行及方
爲世母虛設詭詞未議言歸更徵酬答子女玉
帛旣非所須保境寧民又云匪報詳觀此意全
乖本圖愛人以禮豈爲姑息要女子責誠質親求
報實傷和氣有悖天經我之周室太祖之天下
也焉可捐國顧家殉名虧實不害所養食斯日仁
人臥鼓潛鋒孰非深計若令迭出尺寸兩競維
刃瓦震辰長平則趙分爲二兵出函谷則韓列衣爲三
安得猶全謂無損益大家宰位隆將相情兼家
國銜悲茹血分卑寃魂豈意噬指可尋倚門應
至徒聞善姑卒無令終百辟震驚三軍憤惋不
爲孝子當作忠臣去歲北軍深入數俘城下雖
曰班師餘功未遂今茲馬首南向更期重入益日人
角之我之職矣聞諸道路早已戒嚴非直北拒
又將南略儻欲自送此之願也如或嬰城未能求
敵詰朝請見與君周旋爲惠不終祇增深怨愛

親無慢垂訓尼父矜卹窮老貽則周文環玦之
義事不由此自應內省豈宜有間移書未送而
母至舉朝慶悅大赦天下護與母睽隔多年一
旦聚集凡所資奉窮極華盛母四時伏獵高
祖率諸親戚行家人之禮稱觴上壽榮貴之極
振古未聞是年也突厥復率衆赴期護以齊
氏初送國親未欲即事征討復慮失信蕃夷更
生邊患不得已遂請東征九月詔曰神若軒皇
尚云三戰聖如姬武且曰一戎狐矢之威干戈之用

帝王大器誰能云兵太祖不受天明造我周室
日月所照罔不率從高氏乘釁跋扈竊有并
冀出濟其惡腥穢彰聞皇天震怒假手突厥
驅略汾晉掃地無遺季子孟勢窮伯珪日蹙坐
待滅亡鑒之愚智故突厥班師仍屯彼境更集
諸部傾國齊至星流電擊數道俱進期在仲
冬同會并鄴大冢宰晉公朕之懿昆任隆伊呂
平一宇宙惟公是屬朕當親執斧鉞廟廷祗受
有司宜勅衆軍量程赴集進止遲速委公處

分於是徵二十四軍及左右廂散隸及秦隴巴蜀之兵諸蕃國之衆二十萬人十月帝於廟庭授護斧鉞出軍至潼關乃遣柱國尉遲迥率精兵十萬爲前鋒大將軍權景宣率山南之兵出豫州少師楊榭出軹關護連營漸進屯軍弘農迴攻圍洛陽柱國公憲鄭國公達奚武等營於邛山護性無戎略且此行也又非其本心故師出雖久無所克獲護本令塹斷河陽之路遏其救兵然後同攻洛陽使其內外隔絕諸將以爲齊兵必不敢出唯斥候而已值連日陰霧齊騎直前圍洛之軍一時潰散唯尉遲迥率數十騎扞敵齊公憲又督邛山諸將拒之乃得全軍而返權景宣攻克豫州尋以洛陽圍解亦引軍退楊榭於軹關戰沒護於是班師以無功與諸將稽首請罪帝弗之責也天和二年護母薨尋有詔起令視事四年護巡歷北邊城鎮至靈州而還五年又詔曰光宅曲阜魯用郊天之樂地處參墟晉有大蒐之禮所以言時計功昭德

紀行使持節太師都督中外諸軍事柱國大將軍大冢宰晉國公體道居貞含和誕德地居咸古才表棟隆國步艱難寄深夷險皇綱締構事均休戚故以迹冥殆庶理契如仁今文軌尚隔方隅猶阻典策未備聲明多闕宜賜軒懸之樂六佾之舞護性甚寬和然暗於大體自恃建三之功又當權軸凡所委任皆非其人兼諸子貪殘僚屬縱逸恃護威勢莫不辜辜政害民上下相蒙曾無疑慮高祖以其暴慢密與衛王直圖之七

年二月十八日護自同州還帝御文安殿見護訖引護入含仁殿朝皇太后先是帝於禁中見護常行家人之禮護謁太后太后必賜之坐帝立侍焉聖是護將入帝謂之曰太后春秋既尊頗好飲酒不親朝謁或廢引進喜怒之間時有乖爽比雖犯顏屢諫未蒙垂納兄今既朝拜願更啓請因出懷中酒誥以授護曰以此諫太后護既入於帝所戒讀示太后未訖帝以玉珽自後擊之護踣於地又令宦者何泉以御刀斫之泉惶懼斫

不能傷時衛王直先匿於戶內乃出斬之初帝欲
圖護王軌宇文神舉宇文孝伯頗豫其謀是日
安等並在外更無知者殺護訖乃召宮伯長孫
見等告之即令收護子柱國譚國公會大將軍
晉國公王崇業公靜正平公軌嘉及軌基軌光軌
蔚軌祖軌威等并柱國侯伏侯龍恩龍恩弟大
將軍萬壽大將軍烈勇中外府司錄尹公正袁
傑膳部下大夫李安等於殿中殺之齊王憲白帝
曰安出自皂隸所與唯庖厨而已既不預時政

未足加戮高祖曰公不知耳世宗之崩安所為也
十九日詔曰君親無將將而必誅六師大冢宰晉
公護地寔宗親義兼家國爰初草創同濟艱難
遂任揔朝權寄深國事不能竭其誠効罄以心
力盡事君之節申送任之情朕兄故略陽公英
風秀遠神機穎悟地居聖胤禮歸當璧遺訓
在耳忍害先加永尋摧割貫切骨髓世宗明皇
帝聰明神武藏智護內懷凶悖外託尊宗
凡厥臣民誰亡怨憤朕纂承洪基十有三載委

政師輔責成宰司護志在無君義違臣節懷
茲蠱毒逞彼狼心任情誅暴肆行威福朋黨
相扇賄化具公行所好加羽毛所惡生瘡痍朕約
已菲躬情存庶政每恩施寬惠下輒抑而不行
遂使戶口凋殘征賦勞劇家無日給民不聊生且
三方未定邊隅尚阻疆場待戎旗之備武夫資
扞城之力侯伏龍恩萬壽劉勇等未効庸勲
先居上將高門峻宇甲第彫墻寔繁有徒同惡
相濟民不見德唯利是眎百姓嗷嗷道路以目

含生業業相顧鉗口常恐七日之基忽焉顛墜
億兆之命一旦隳危上累祖宗之靈下有負蒼生之
責今肅正典刑護已即罪其餘凶黨咸亦伏誅
氛霧務旣清遐邇同慶朝政惟新兆民更始可
大赦天下改天和七年爲建德元年護世子訓
爲蒲州刺史其夜遣柱國越國公盛乘傳往蒲
州徵訓赴京師至同州賜死護長史代郡叱羅
協司錄弘農馮遷及所親任者皆除名護子昌
城公深使突厥遣開府宇文德賈爾書就殺之

三年詔復護及諸子先封諡護曰蕩並改葬之
叱羅協本名與高祖諱同後改焉少寒微嘗為
州小吏以恭謹見知恒州刺史楊鈞擢為從事及
魏末六鎮搔擾客於冀州冀州為葛榮所圍刺
史以協為統軍委以守禦俄而城陷協沒於榮榮
敗事汾州刺史介朱兆頗被親遇補錄事參軍
兆為天柱大將軍轉司馬兆與齊神武初戰不利
還上黨令協在建州督軍糧後使協至洛陽與
其諸叔計事謀討齊神武兆等軍敗還并州令

協治肆州刺史兆死遂事宣

秦秦甚禮之秦

為御史中尉以協為治書侍御史秦向潼關協
為監軍秦死協亦見獲太祖以其在關歲久授
大丞相府東閤祭酒撫軍將軍銀青光祿大夫
轉錄事參軍遷主簿加通直散騎常侍攝大
行臺郎中累遷相府屬從事中郎協歷任二京
詳練故事又深自克勵太祖頗委任之然猶以其
家屬在東疑其有戀本之望及河橋戰不利協
隨軍而還太祖知協不貳封冠軍縣男邑二百戶

尋加車騎將軍左光祿大夫九年除直閣將軍恒
州大中正加都督進爵爲伯增邑八百戶尋遷大
都督儀同三司初太祖欲經略漢中令協行南歧
州刺史并節度東益州戎馬事魏廢帝元年即授
南歧州刺史時東益州刺史楊辟邪據州反三年
協率所部兵討之軍次涪水會有氏賊千人斷
道破橋協遣儀同仇買等行前擊之賊開路
協乃領所部漸進又有氏賊千人邀協協乃將
兵四百人守硤道與賊短兵接戰賊乃退避辟邪
棄城走協追斬之群氏皆伏以功授開府仍爲大
將軍尉遲迴長史率兵伐蜀旣入劔閣迴令協行
潼州事時有五城郡氏酋趙雄傑等扇動新潼
始三州民反叛聚結二萬餘人在州南三里隔涪水
據槐林山置柵拒守梓潼郡民鄧肱王令公等招
誘鄉邑萬餘人復在州東十里涪水北置柵以
應之同逼州城城中糧少軍人乏食協撫安內外
咸無異心遣儀同伊婁訓大都督司馬裔等將
步騎千餘人夜渡涪水擊雄傑一戰破之令公以

雄傑敗亦棄柵走還本郡復與鄧朮等更率萬餘人於郡東南隔水置柵斷絕驛路協遣儀同楊長樂與司馬裔等率師討之復遣大都督裴孟嘗領百姓繼進為其聲勢孟嘗既至梓潼值水漲不得即渡而王令公鄧朮見孟嘗騎少乃將三千餘人圍之數重孟嘗以眾寡不敵各棄馬短兵接戰從辰止午於陣斬令公及朮等賊徒既失渠帥遂即散走其徒黨仍據舊柵而孟嘗方得渡水與長樂合即勒兵攻柵經三日賊乃請

降此後數有反叛協輒遣兵討平之魏恭帝三年太祖徵協入朝論蜀中事乃賜姓宇文氏增邑通前一千五百戶晉公護既殺孫恒李植等欲委腹心於司會柳慶司憲令狐整等慶整並辭不堪俱薦協語在慶整傳護遂徵協入朝既至護引與同宿深寄託之協欣然承奉誓以軀命自効護大悅以為得協之晚即授軍司馬委以兵事尋轉治御正又授護府長史進爵為公增邑千戶常在護側陳說時事多被納

用世宗知其材識庸淺每折之數謂之曰汝何知也猶以護所親任難即屏黜每含容之及世宗崩便授協司會中大夫中外府長史協形貌瘦小舉措褊急既以得志每自矜高朝士有來請事者輒云汝不解吾今教汝及其所言多乖事衷當時莫不笑之保定二年追論平蜀功別封子縣侯又於蜀中食邑二千戶入其租賦之半晉公護以協竭忠於己每提獎之頻老上中賞以粟帛遷少保轉少傅進位大將軍爵南陽郡公兼營作副監宮室既成以功賜爵洛邑縣公回授一子協既受護重委冀得婚連帝室乃求復舊姓叱羅氏護為奏請高祖許之又進位柱國護以協年老許其致仕而協貪榮未肯告退護誅協除名建德三年高祖以協宿齒投儀同三司賜爵南陽郡公時與論說舊事是歲卒年七十六子金嗣

馮遷字羽化父漳州從事及遷官達追贈儀同三司陝州刺史遷少修謹有幹能州辟從事

魏神龜中刺史楊鈞引為中兵參軍事轉定襄令尋為并州水曹參軍所歷之職咸以勤恪著稱及魏孝武西遷乃棄官與直閭將軍馮靈豫入關即從魏孝武復潼關定回洛除給事中後從太祖擒竇泰復弘農戰沙苑皆有功授都督龍驤將軍羽林監封獨顯縣伯邑六百戶及洛陽之戰遷先登陷陣遂中重瘡僅得不死以功加輔國將軍軍師都督進爵為侯久之出為廣漢郡守時蜀土初平人情擾動遷

存簡恕夷俗頗安之魏恭帝二年就加車騎將軍大都督通直散騎常侍鎮樊城尋拜漢東郡守孝閔帝踐祚入為晉公護府掾加車騎大將軍儀同三司進爵臨高縣公尋遷護府司錄進授驃騎大將軍開府儀同三司遷性質直小心的慎雖居樞要不以勢位加人兼明練時事善於斷決每校閱文簿孜孜不倦從辰逮夕未嘗休止以此甚為護所委任後以其朝之舊曰齒欲以衣錦榮之乃授陝州刺史進爵隆山郡公

增邑并前二千戶遷本寒微不爲時輩所重
一旦刺舉本州唯以謙恭接待鄉邑人無怨者復
入爲司錄轉工部中大夫歷軍司馬遷小司空自
天和已後遷以年老委任稍衰及護誅猶除名
建德末卒於家時年七十八子恕位至儀同三司
伏夷鎮將平寇縣伯護所委信者又有朔方邊
斗位至大將軍軍司馬護府司馬護敗亦除名
史臣曰仲尼有言可與適道未可與權夫道者率
信之謂也權者反經之謂也率禮由乎正理易以

成佐世之功反經繫乎非常難以定匡時之業
故得其人則治伊尹放太甲周旦相孺子是也不
得其人則亂新都遷漢鼎晉氏傾魏族是也是
以先王明上下之序聖人重君臣之分委質同於
股肱受爵均其休戚當其親受顧託位居宰衡
雖復承利劔臨沸鼎不足以龍言其慮據帝圖
君海內不足以回其心若斯人者固以功與山嶽爭
其高名與穹壤齊其久矣有周受命之始守
文護寔預艱難及太祖崩殂諸子冲幼羣公懷

等夷之志天下有去就之心卒能變魏為周俾
危獲入者護之力也向使加以禮讓繼之以忠
貞桐宮有悔過之期未央終天年之數則前史
所載焉足以道哉然護寡於學術昵近羣小
威福在己征伐自出有人臣無君之心為人主不堪
之事忠孝大節也違之而不疑廢弑至逆也行
之而無悔終於身首橫分妻孥為戮不亦宜乎

列傳第三

周書十一

同書十二

今狐

傳

卷

易

齊煬三憲心子毗賀空太祖第五二也性通敏有
度量雖在重齒而神彩疑然初封涪城縣公少
與高祖俱受詩傳咸綜機要得其指歸太祖
嘗賜諸子良馬惟其所擇憲獨取駁馬太祖
問之對曰此馬色類既殊或多駿逸若從軍征伐
牧圍易分太祖喜曰此兒智識不凡當成重器

後從獵隴上經官馬牧太祖每見駁馬輒曰此我兒馬也命左右取以賜之魏恭帝元年進封安城郡公孝閔帝踐祚拜驃騎大將軍開府儀同三司世宗即位授大將軍武成初除益州總管益寧巴瀘等二十四州諸軍事益州刺史進封齊國公邑萬戶初平蜀之後太祖以其形勝之地不欲使宿將居之諸子之中欲有推擇徧問高祖已下誰能此行並未及對而憲先請太祖曰刺史當撫衆治民非爾所及以年授者當

歸爾兄憲曰才用有殊不關大小試而無効甘受面欺太祖大悅以憲年尚幼未之遣也世宗追遵先旨故有此授憲時年十六善於撫綏留心政術辭訟輻湊聽受不疲蜀人懷之共立碑頌德焉進位柱國保定中徵還京拜雍州牧及晉公護東伐以尉遲迥為先鋒圍洛陽憲與達奚武王雄等軍於邙山自餘諸軍各分守險要齊兵數萬奄出軍後諸軍恒駭並各退散唯憲與王雄達奚武率衆拒之而雄為齊人所殺三

軍震懼憲親自督勵衆心乃安時晉公護報
政雅相親委賞罰之際皆得預焉天和三年以
憲爲大司馬治小冢宰雍州牧如故四年齊將
獨孤永業來寇盜殺孔城防主能奔達以城應
之詔憲與柱國李穆將兵出宜陽築崇德等
五城絕其糧道齊將斛律明月率衆四萬築壘
洛南五年憲涉洛邀之明月遁走憲追之及于
安業屢戰而還是歲明月又率大衆於汾北築
城西至龍門晉公護謂憲曰寇賊充斥戎馬交
馳遂使疆場之間生民委斃豈得坐觀屠滅
而不思救之汝謂計將安出曰如憲所見兄宜
暫出同州以爲威勢憲請以精兵居前隨機攻
取非惟邊境清寧亦當別有克獲護然之六
年乃遣憲率衆二萬出自龍門齊將新蔡王
王康德以憲兵至潛軍宵遁憲乃西歸仍掘
移汾水水南堡壁復入於齊齊人謂略不及遠
遂弛邊備憲乃渡河攻其伏龍等四城二日
盡拔又進攻張壁克之獲其軍實夷其城壘

斛律明月時在華谷弗能救也北攻姚襄城陷
之時汾州又見圍日久糧援路絕憲遣柱國宇文盛運粟以饋之憲入兩乳谷龍襄克齊柏
社城進軍姚襄齊人嬰城固守憲使柱國譚公
會築石殿城以爲汾州之援齊平原王段孝牛
蘭陵王高長恭引兵大至憲命將士陣而待之
大將軍韓歡爲齊人所乘遂以奔退憲身自督
戰齊衆稍却會日暮乃各收軍及晉公護誅高
祖召憲入憲免冠拜謝帝謂之曰天下者太祖

之天下吾嗣守鴻基常恐失墜冢宰無君凌上
將圖不軌吾所以誅之以安社稷汝親則同氣
休戚共之事不相涉何煩致謝乃詔憲往護第
收兵符及諸簿書等三司以憲爲冢宰時高祖
旣誅宰臣親覽朝政士人欲導之以政齊之以刑爰
及親親亦爲刻薄憲旣爲護所委任自天和之後
威勢漸隆護欲有所誅以多令憲聞奏其間或有
可不憲慮主相嫌隙每四而暢之高祖亦悉其
心故得無患然猶以威名過重終不能平雖

遷授家宰寔奪其權也開府裴文舉憲之
侍讀高祖常御內殿引見之謂曰晉公不臣之
迹朝野所知朕所以誅者安國家利百姓耳
昔魏末不綱太祖匡輔元氏有周受命晉公復執
威權積習生常便謂法應須爾豈有二十歲
天子而可爲人所制乎且近代以來又有一弊暫
經隸屬便即禮若君臣此乃亂代之權宜非經
國之治術詩云夙夜匪懈以事一人一人者止據
天子爾雖陪侍齊公不得即同臣主且

太祖十兒寧寧可采爲天子卿宜規以正道勸以
義方輯睦我君臣協和我骨肉無令兄弟自致
嫌疑文舉拜謝而出歸以白憲憲指心撫几曰
吾之夙心公寧寧一不悉但當盡忠竭節耳知復何
言建德二年進爵爲王憲友劉休徵獻王箴一
首憲美之休徵後又以此箴上高祖高祖方剪
削諸弟甚悅其言憲常以兵書繁廣難求指
要乃自刊定爲兩略五篇至是表陳之高祖覽
而稱善其秋高祖幸雲陽宮遂寢疾衛王直於

京師舉兵反高祖召憲謂曰衛王構逆汝知之乎憲曰臣初不知今始奉詔直若逆天犯順此則自取滅亡高祖曰汝即為前軍吾亦續發直尋敗走高祖至言小師憲與趙王招俱入拜謝高祖曰管蔡為戮周公作輔人心不同有如其面但愧兄弟親尋于文於我為不足耳初直內深忌憲憲隱而容之且以帝之母弟每加友敬晉公護之誅也直固註明及憲高祖曰齊公心迹吾自悉之不得更有所疑也及文宣皇后崩直又

密啓去憲飲酒食肉與平曰不異高祖曰吾與齊王異生俱非正嫡特為吾意今祖括是同汝當愧之何論得失汝親太后之子偏荷慈愛今但須自勗無假說人直乃止四年高祖將欲東討獨與內史王誼謀之餘人莫得知也後以諸弟才略無出於憲右遂告之憲即贊戒其事及大軍將出憲表上私財以助軍費曰臣聞撫機適運理藉時來兼弱攻昧事資權道伏惟陛下繼明作聖闡業弘風思順天心用恢武略方使長蛇外翦

宇宙大同軍民內向車書混一竊以龍旗雷動
天網雲布芻粟糧餉或須周給昔邊隅未靜
卜式願上家財江湖不澄衛茲請獻私粟臣雖
不敏敢忘景行謹上金寶等一十六件少助軍
資詔不納而以憲表示公卿曰人臣當如此朕貴
其心耳寧湏物乎乃詔憲率眾二萬為前軍
趣黎陽高祖親圍河陰未克憲攻拔武濟進圍
洛口收其東西二城以高祖疾班師是歲初置
上柱國官以憲為之五年大舉東討憲率精騎
二萬復為前鋒守雀鼠谷高祖親圍兗州憲
進兵克洪同永安二城更圖進取齊人焚橋守
險軍不得進遂屯於永安齊主聞晉州見圍乃
將兵十萬自來援之時柱國陸休王純頓軍千里
徑大將軍永昌公椿屯雞樓原大將軍宇文盛
守汾水關並受憲節度憲密謂椿曰兵者詭道
去留不定見機而作不得遵常汝今為營不須
張幕可代柏為菴示有形勢令兵去之後賊猶
致疑也齊主分軍萬人向千里徑又令其眾

出汾水關自率大兵與椿對陣宇文盛馳騎告
急憲自以千騎救之齊人望谷中塵起相率遽
退盛與柱國侯莫陳芮涉汾逐之多有斬獲俄
而椿告齊衆稍逼憲又回軍赴之會椿被勅
追還率兵夜返齊人果謂出菴爲帳幕也不疑
軍退翌日始悟時高祖已去晉州留憲爲後拒
齊主自率衆來追至於高粱橋憲以精騎二千
阻水爲陣齊領軍段暢直進至橋憲隔水招暢
與語語畢憲問暢曰若何姓名暢曰領軍段暢

也公復爲誰憲曰我虞候大都督耳暢曰卿
言語不是凡人今日相見何用隱其名位陳王
純梁公侯莫陳芮內史王誼等並在憲側暢固
問不已憲乃曰我天子太弟齊王也指陳王已
下並以名位告之暢鞭馬而去憲即命旋軍而
齊人遽追之戈甲甚銳憲與開府宇文忻各統
精卒百騎爲殿以拒之斬其驍將賀蘭豹子山
褥瓌等百餘人齊衆乃退憲渡汾而及高祖於
玉壁高祖又令憲率兵六萬還援晉州憲遂進

軍營于涑水齊主攻圍晉州晝夜不息間謀還者或云已陷憲乃遣社國越王盛大將軍尉遲迴開府宇文神舉等輕騎一萬夜至晉州憲進軍據蒙坑爲其後援知城未陷乃歸涑川尋而高祖東轅次于高顯憲率所部先向晉州明日諸軍摠集稍逼城下齊人亦大出兵陣於營南高祖召憲馳往觀之憲返命曰是易與耳請破之而後食帝悅曰如汝所言吾無憂矣憲退內史柳蚪私謂憲曰賊亦不少王安得輕之憲曰憲受委

前鋒情兼家國掃此逋寇事等摧枯滴周之事公所知也賊兵雖衆其如我何既而諸軍俱進應時大潰其夜齊主遁走憲輕騎追之既及永安高祖續至齊人收其餘衆復據高壁及洛女此石耳祖命憲攻洛女破之明日與大軍會於介休時齊主已走鄴留其從兄安德王延宗據并州延宗因僭偽號出兵拒戰高祖進圍其城憲攻其西面克之延宗遁走追而獲之以功進封第二子安城公質爲河間王拜第三子實爲大將軍仍詔

憲先驅趣鄴明年進克鄴城齊任城王潛廣寧王孝珩等據守信都有衆數萬高祖復詔憲討之仍令齊主手書與潛曰朝廷遇緯甚厚諸王無恙叔若釋甲則無不優待潛不納乃大開賞募多出金帛沙門求爲戰士者亦數千人憲軍過趙州潛令間謀二人覘窺形勢候騎執以白憲憲乃集齊之舊將遍示之又謂之曰吾所爭者大不在汝等今汝還可即充我使乃與潛書曰山川有間每深勞佇仲春戒節納履惟宜承始屆兩河仍圖三位二者交戰想無虧德昔魏曆玄季海內橫流我太祖撫運乘時大庇黔首皇上嗣膺下武式隆景業興稽山之會摠盟津之師雷駭唐郊則野無橫陣雲騰晉水則地靡嚴城龍衣僞之酋旣奔竄於草澤竊號之長亦委命於旌門德義振於無垠威風被於有截彼朝宿將舊臣良家戚里俱升榮寵皆縻好爵是使臨漳之下効死爭驅營丘之前奮身畢命此豈唯人事抑亦天時宜訪之道路無俟

傍說吾以不武任搃元戎受命安邊路指幽冀
列邑名藩莫不屈膝宣風道禮皆荷來蘇足下
高氏令王英風夙著古今成敗備諸懷抱豈不
知一木不維大厦三諫可以逃身哉且殷微去
商侯服周代項伯背楚賜姓漢朝去此弗圖苟
徇亡轍家破身殞為天下笑又足下謀者為侯
騎所拘軍中情實具諸執事知以弱卒瑣甲欲
抗堂堂之師縈帶污城冀保區區之命戰非上
計無待卜疑守乃下策或未相許已勒諸軍分

之非遠憑軾可謂兵之命也古

不後終日所望知幾也慮至信都清障

南憲登張耳冢以望之俄而清所署領軍

願為出略陣遂以眾降相顧清心腹也眾甚

懼潜大怒殺其妻子明日復戰遂破之得新

萬人擒潜及孝珩等憲謂州曰任城王

此潜曰下官神武帝子兄弟十五人幸而獨

逢宗社顛覆今日得死無愧培陵憲壯之命歸

妻子厚加資給又問孝珩孝珩布陳國難辭

俱下俯仰有節憲亦為之改容憲賦文謀多等功
尤長於撫御達於任使摧鋒陷先許下
感悅咸為之用齊人夙聞威聲不降其勇略
并州之捷長驅敵境芻牧不擾先皇
稽胡劉沒鐸自稱皇帝又詔招集
討平之語在稽胡傳憲自以威名思昇退
及高祖欲親征北蕃乃辭以疾言
若憚行誰為吾使憲懼曰臣陪為本
願但身嬰痲疾不堪領兵帝許言

宣帝嗣位以憲屬尊重深忌憚之時高祖
未葬諸王在內治服司衛長諒孫覽惣兵輔政而
諸王莫志奏令開府于智察其動靜及高祖
山陵還諸王歸第帝又命智就宅候憲因是告
憲有謀帝乃遣小冢宰宇文子伯謂憲曰二公
之位且屬親賢今欲以叔為大帥九叔為大傅士
叔為太保叔以為何如憲曰臣才輕位重滿盈
是懼三師之任非所敢當且太祖勲臣宜膺此
舉若重可用臣兄為恐乖物議孝伯反命尋而

復來曰：聖王晚共諸王俱三，知門憲獨被引進。帝先伏壯士於別室，至即執之。憲辭色不撓，固自。文宣帝使于省，對憲意曰：尤如炬與智相質，或。憲曰：以王今日事勢，何用多言？憲曰：我位重，屬尊一三，此死生有命，寧復圖存？但以老母在堂，恐言茲恨耳。因擲笏於地。乃縊之。時年三十五年。以子智為柱國，封齊國公。又殺上大將軍安邑公，與上開府獨孤熊開府豆盧紹等，皆以昵於憲也。帝既誅憲，無以為辭，故託與等與憲結謀，遂加其戮。時人謂之免酷。咸云：學憲死也。憲所生達步干氏，莊也。建德三年，無為齊國太妃。憲有至性，事母以孝。聞太妃舊患風熱，屢經發動，憲衣不解帶，扶侍左右。憲或東西從役，每心驚，其母必有疾，乃馳使參問。果如所慮，憲六子貴質、寶質、貞乾、禧、軋、洽。貴字軋，福少聰敏，涉獵經史，尤便騎射。始讀孝經，便謂人曰：讀此一經，足為立身之本。天和四年，始十歲，封安定郡公。邑一千五百戶。太祖之初，為丞相也。

始封此郡未嘗假。至是封貴馬年十一從憲
獵於鹽州一圍之中手射野馬及鹿十有五頭
建德二年冊拜齊國世子四年授車騎大將軍
儀同三司尋出為豳州刺史貴雖出自深宮而
留心庶政性聰敏過目輒記嘗道逢二人謂其
左右曰此人是縣黨何因輒行左右不識貴便
說其姓名莫不嗟伏白獸烽經為商人所燒烽
帥納貨不言其罪他日此帥隨例來參書貴乃問
云商人燒烽何因私放烽帥愕然遂即自伏其

明察如此五年四月

質字乾祐初封安城公

郡王質字乾禮大將軍中興公

福安城公乾洽龍涸公並與

臣曰自兩漢逮乎魏晉其帝弟

楚元河間東平曠思之徒以文儒

邪以武功馳譽有刻體自尊

後其心驕貴壽其志故每

下之上焉齊王

亦弟之地居上將之重管勇冠世攻戰如...
繫以存之鼎命由其輕重比之異姓則方...
何何以加茲按震王之威屬道消之日...
斯戮君子是以知周祚之不永也昔...
錄賓客廝役所居皆取卿相而齊之文武...
矣其後亦多至今牧異世同符可謂賢矣

傳第四

周書十二

列傳第五

周書十三

令狐

德榮

等

文閔明武宣諸子

文帝十三子姚夫人生世宗後宮生宋

震

文元皇后生孝閔皇帝文宣皇后叱奴氏生高

祖衛刺王直達步干妃生齊王憲王姬生趙儼

王招後宮生譙孝王儉陳惑王純越野王盛代

彘王達冀康公通勝聞王迫齊煬王別有傳

宋獻公震字彌俄幼而敏達年十歲誦孝經論

語毛詩後與世宗俱受禮記尚書於盧誕大婦
十六年封武邑公二千戶尚魏文帝女其志
保定元年追贈使持節柱國大將軍少師大
馬大都督青徐等十州諸軍事青州刺史
封宋國公增邑并前一萬戶無子以世宗第
子寔爲嗣寔字乾辯建德三年進爵爲王太
中爲大前疑尋爲隋文帝所害國除
衛刺王直字豆羅友魏恭帝三年封秦郡
一千戶武成初出鎮蒲州拜大將軍進衛國

陳州刺史
德公陸通大將軍田弘

宣元定等兵赴援與陳將淳于量吳明徹等

於沌口直軍不利元定遂投江南自坐免官直高

祖母弟性浮詭貪很無賴以益自公護執政遂貳

於帝而昵護及沌口還愠於免黜又請帝除之

冀其得位帝夙有誅護之意遂與直謀之及護

誅帝乃以齊王憲爲大冢宰直既乖本望又請

爲大司馬意欲揔知戎馬得擅威權帝揣知其
意謂之曰汝兄弟長幼有序寧可反居下列也
乃以直爲大司徒建德三年進爵爲王初高祖
以直等爲東宮更使直自擇所居直歷觀府
署無稱意者至廢陟圮佛寺欲居之齊王憲謂
直曰弟兒女成長理須寬博此寺褊小詎是所宜
直曰一身尚不自容何論兒女憲恠而疑之直嘗
從帝校獵而亂行帝怒對衆撻之自是憤怨益
甚及帝幸雲陽宮直在京師舉兵反攻書直
門司武尉運開門拒守直不得入語在運傳直遂
遁走追至荊州獲之免爲庶人囚於別宮尋而
更有異志遂誅之及其子賀吉塞響賈秘津
乾理乾操乾棕等十人國除

趙偕王招字巨盧突幼聰穎博涉群書好屬文
學庾信體詞多輕艷魏恭帝三年封正平郡公
邑一千戶武成初進封趙國公邑萬戶保定中
拜爲柱國出爲益州總管建德元年授大司空
轉大司馬三年進爵爲王除雍州牧四年大軍

東討招爲後三軍摠管五年又從高祖東伐率步騎一萬出華谷攻齊汾州及并州平進位上柱國東夏底定又爲行軍摠管與齊王討稽胡招擒賊帥劉沒鐸斬之胡寇平宣政中拜大師大象元年五月詔以洛州襄國郡邑萬戶爲趙招出就國二年宣帝不豫徵招及陳越代滕五王赴闕比招等至而帝已崩隋文帝輔政加招等殊禮入朝不趨劍履上殿隋文帝將遷周鼎招密欲圖之以匡社稷乃邀隋文帝至第飲於寢室招子負其及兄弟魯封所親人史曹皆先在左右佩刀而立又藏兵刃於帷席之間後院亦伏壯士隋文帝從者多在閣外唯楊弘元胄胄弟威及陶徹坐於戶側招屢以佩刀割瓜啖隋文帝隋文帝未之疑也元胄覺變扣刀而入招乃以大觴親飲胄酒又命胄向厨中取漿胄不爲之動滕王道後至隋文帝降階迎之元胄因得耳語曰形勢大異公宜速出隋文帝共道等就坐須臾辭出後事覺陷以謀反其年

秋誅招及其子德廣公貞永康公貴越攜公
乾銑弟乾鈴乾鏗等國除招所著文集十卷
行於世

譙孝王儉字侯幼突武成初封譙國公邑萬戶
天和中拜大將軍尋遷柱國出為益州總管建
德三年進爵為王五年東代以本官為左一軍
總管攻永固城拔之進平并鄴拜大冢宰是歲
稽胡反詔儉為行軍總管與丞王憲討之有胡
帥自號天柱者據守河東儉攻破之斬首三千

級宣政元年二月燕太子乾憚嗣大定中為隋文
帝所害國除

陳惑王純字堙智突武成初封陳國公邑萬戶
保定中除岐州刺史加開府儀同三司使於突厥
迎皇后拜大將軍尋進位柱國出為秦州總
管轉陝州總管督鴈門公田弘拔齊宜陽等
九城建德三年進爵為王四年大軍東伐純
為前軍總管以帝寢疾班師一年大軍復東
討詔純為前軍率步軍二萬守千里徑并州平

進位上柱國即拜并州總管宣政
遷大傅大象元年五月以濟南郡
陳純出就國二年朝京師文帝
落宗枝遂害純并世子謙及弟
議等國除

越野王盛字立久突武成初封越國公邑萬戶
天和中進爵為王四年六軍伐齊盛為後一軍
總管五年大軍又東討盛率所領拔齊高顯等
數城并州平進位上柱國從平鄴拜相州總管

宣政元年入為大冢宰汾州稽胡帥劉愛羅干
反詔盛率諸軍討平之大象元年遷大前疑
轉太保其年詔以豐州武當安富二郡邑萬戶
為越盛出就國二年朝京師其秋為隋文帝所
害并其子忱悰恢憤忻等五人國除

代國公邑萬戶天和元年拜大將軍右宮伯拜
左宗衛建德初進位柱國出為荆淮等十四州
十防諸軍事荊州刺史在州有政績高祖手勅

周書卷之五
襄美之所管灃州刺史蔡澤黷貨被訟賦狀分明以其世著勲庸不可加戮若曲法貫之又非奉上之體乃令所司精加按劾密表奏之事竟得釋終亦不言其處事周慎如此達雅好節儉食無兼膳侍姬不過數人皆衣綈衣又不營其產國無儲積左右嘗以為言達從容應之曰君子憂道不憂貧何煩於此三年進爵為王出為益州總管高祖東伐以為右軍總管齊淑妃馮氏尤為齊後主所幸齊立見獲帝以達不遜聲色

以馮氏賜之宣帝即位進位上柱國大象元年拜大右弼其年詔以潞州上黨郡邑萬戶為代達出就國二年朝京其年又立世子執弟蕃國公轉等國除冀康公通字屈率突武成戶天和六年十月薨子綽嗣王大象中為隋文帝所害國除滕聞王道字爾圖突少好封滕國公邑萬戶天和末在經史解屬文武成初十大將軍建德初進

位柱國二年進爵為王六年為行軍總管與齊

王憲征稽胡迫破其渠帥趙修友等斬首八千餘

還除河陽總管宣政元年進位上柱國其在位陳

詔道為元帥節度諸軍事大象元年五月詔以

荊州新野郡邑萬戶為滕迥出就國二年朝其

年冬為隋文帝所害并子懷德公祐祐為其

國公裕弟禮禧等國除迥之所著文章頗行於世

孝閔帝一男陸夫人生紀厲王康

紀厲王康字乾定保定初封紀國公邑萬戶

德三年進爵為王初出為總管

小劔一防諸軍事荆州刺史康時

任僚佐盧亦奔等謀繕脩戎器

表諫諫止之康不聽乃殺軼

大定中為隋文帝所害

三男徐妃生異刺王取具

莫傳闕

三賢字乾陽保定四年封異國公建德二

封為王出為并州刺史遷

曹王充字乾仕初封曹國公建德三年進爵為王
道王充字乾仁建德六年封王

蔡王充字乾俊建德六年封王

荆王元字乾儀宣政元年封王元及充充允等
並為隋文帝所害國除

宣帝三子朱皇后生靜皇帝王姬生鄴王衍皇
甫姬生郢王術

鄴王衍大象二年封王

郢王術大象二年封王與衍並為隋文帝所害

除

又臣曰百賢之議者咸云以周定五等之制

及立郡縣二世而亡雖得失之迹可尋是非之

起而因循莫變復古未聞良由著論者溺於

貴達司契者難於易業詳求適變之道未窮

於至當也嘗試論之夫皇王迭興為國之道匪

一賢聖間出立德之指殊塗斯豈故為相反哉

亦去治而已矣何則五等之制行於商周之前

郡縣之設始於秦漢之後論時則澆淳理隔易

地則用捨或殊譬言猶上下日用難以成天下之業
稷嗣所述不可施成周之朝是知因時制宜者爲
政之上務也觀民立教者經國之長策也且夫
列封疆建侯伯擇賢能置牧守循名雖曰異軌
青實抑亦同歸盛則與之共安衰則與之共患
共安繫乎善惡非禮義無以敦風共患寄以存
亡非甲兵不能靖亂是以齊晉卽禮鼎業傾而
復振溫陶釋位王綱弛而更張然則周之列國非
一姓也晉之群臣非一族也豈齊晉強於列

溫陶賢於群臣者哉蓋執勢重者易以立功權輕
者難以盡節故也由此言之建侯置守乃古今
之異術兵權勢位蓋安危之所階乎太祖之定
關右目不暇給旣以人臣禮終未遑藩屏之事
晉蕩輔政爰樹其黨宗室長幼竝據勢位握
兵權雖海內謝隆平之風而國家有盤石之固
矣高祖克翦芒刺思弘政術懲專朝之爲患
忘維城之遠圖外崇寵位內結猜阻自是配天
之基潛有朽壤之墟矣宣皇嗣位凶暴是聞芟

刈先其本校削黜遍於公族雖復地惟叔父親
則同生文能附衆武能威敵莫不謝卿士於當
年從侯服於下國號為千乘勢侔正夫是以權
臣乘其機謀士因其隙遷龜鼎速於俯拾殲王
侯烈於燎原悠悠邃古未聞斯酷豈非摧枯振
朽易為力乎向使宣皇采姬劉之制覽聖哲之術
分命賢戚布於內外料其輕重間以親踈首尾
相持遠近為用使其勢位也足以扶危其權力也
不能為亂事業既定僥倖自息雖使卧赤子
朝委裘社稷固以久安億兆可以無患矣何后
族之地而勢能窺其神器哉

列傳第五

周書十三

